

Yuran daftar jurulatih: Persisi buat rayuan

Pencak Silat
PERSEKUTUAN Silat Singapura (Persisi) telah menghantar surat rayuan kepada Unit Kawalan Seni Pertahanan Diri (Macu) agar merendahkan yuran pendaftaran tahunan para jurulatih silat.

31 JAN 1981
Setiap jurulatih silat atau lain-lain kesenian pertahanan diri dikenakan membayar \$100 setahun sebagai 'lesen' menjadi jurulatih.

Pihak Persisi mensifatkan kadar itu sebagai terlalu tinggi dan sangat membebani para jurulatih silat khususnya, memandangkan kebanyakan jurulatih di sini memberikan

khidmat mereka secara sukarela.

"Seni silat di Republik ini belum dijadikan sebagai satu bahan perdagangan (komersil). Ia masih diperjuangkan sebagai satu kesenian masyarakat yang dipusakai sejak zaman silam.

Tambang

"Persisi memainkan peranannya dengan menyelaraskan penggalakan silat, menerusi berbagai perguruan di sini dan mendapati bahawa yuran \$100 itu adalah bertentangan dengan matlamat pemerintah sendiri untuk mengembangkan kebudayaan masyarakat di

negara ini," kata Setiausaha Agung Persisi, Encik Johari Uriff.

Dia menarik perhatian bahawa lesen memandu di sini ialah \$20 saja setahun, sedangkan orang yang mempunyai lesen memandu boleh menggunakannya untuk mencari wang. Keadaan tidak sama dengan para jurulatih silat.

Seseorang jurulatih bekerja di siang hari mencari nafkah dan memberikan khidmat mereka di sebelah petang dan malam pada hari-hari tertentu untuk mengembangkan kebudayaan ini tanpa sebarang ganjaran kewangan.

"Sebaliknya, mereka

perlu mengeluarkan belanja untuk tambang ke tempat perguruan di samping lain-lain belanja yang mungkin diperlukan dalam proses itu.

"Sekiranya yuran \$100 itu dikekalkan pada paras demikian, Persisi merasa ia kurang sesuai. Kami berharap rayuan ini akan ditimbang oleh Macu dengan menimbang aspek perkembangan budaya," tambah Encik Johari.

Secara tidak langsung, katanya, para jurulatih silat menolong usaha-usaha pemerintah mengembangkan kegiatan budaya di negara ini dan hendaknya janganlah yuran-yuran yang begitu tinggi menjadi gangguan atau penghalangnya.

Encik Johari kemudian memberi contoh bagaimana jika sesebuah perguruan itu mempunyai lima hingga 10 orang jurulatih.

"Ini bererti, antara \$500 dengan \$1,000 akan dibelanjakan setiap tahun hanya untuk membarui lesen jurulatih. Jumlah ini adalah sangat mahal."

Katanya, kegiatan badan-badan silat di sini lebih banyak bergantung kepada derma yang diberi oleh penuntut silat dan tidak ada kadar yang dikenakan untuk membolehkan sesebuah perguruan mendapat untung dari pendidikan silat kepada masyarakat tempatan.

Persisi akan sertai perarakan

Pencak Silat
PERSEKUTUAN Silat Singapura (Persisi) akan membekalkan satu kontingen silat untuk berbaris lalu di Stadium Negara pada 21 Februari depan sebagai acaranya dalam majlis sambutan Maulud Nabi tahun ini.

Perbarisan itu akan melibatkan ramai pesilat dari berbagai perguruan di sini.

Seorang jurucakap Persisi berkata, penyeretaan kontingen silat dalam perayaan itu adalah sebagai memenuhi undangan kepadanya oleh pihak penganjur — Majlis Ugama Islam Singapura (Muis) dan Persekutuan Seruan Islam Singapura (Jamiyah).

3 negara jiran sertai silat Gerak Suci di KL

Pencak Silat
7 FEB 1981
TIGA negara jiran — Indonesia, Thailand dan Singapura menyatakan persetujuan setakat ini untuk menyertai pertandingan Silat Gerak Suci peringkat Asia yang akan diadakan di Kuala Lumpur Mei ini.

Pertandingan tersebut di bawah anjuran Persatuan Silat Gerak Suci Selangor.

Kegiatan silat ini telahpun diperkembangkan untuk minat ramai dan antaranya persatuan tersebut telahpun mengadakan per-

balan Menteri Besar.

Satu lagi gelanggang baru silat ini telah dibuka di kawasan rumah Encik Tugiro Sario di Batu Laut, Banting baru-baru ini di bawah tunjuk-ajar seorang guru silat terkenal Encik Salikon Patok.

Adun kawasan Batu Laut, Encik Abdul Jabar Mohd. Yusof, ketika merasmikan gelanggang tersebut menasihatkan semua ahli silat jangan membesar dengan ilmu yang ada.

"Ramai ahli silat telah menyalahgunakan ilmu mereka yang hebat

terutama dalam memerangi musuh yang bertujuan menjahanamkan negara," jelasnya.

Persatuan tersebut sekarang mempunyai kira-kira 300 ahli meliputi gelanggang-gelanggang yang berada di Puchong, Jalan Pasar Kuala Lumpur, Kanchoong Darat dan Teluk Datok.

Seramai 20 ahli silat dari gelanggang Kanchoong Darat dan Teluk Datok telah menunjukkan permainan dengan menggunakan tangan kosong, keris,